

Pader Wijbe Fransen 50 aña como sacerdote

ORANJESTAD – Dia 23 di juli pader Wijbe Fransen ta celebra su hubileo di oro, 50 aña como sacerdote, na Zwolle, Hulanda.

E celebracion oficial lo tuma lugá dia 3 di augustus, na Zwolle cu un santo sacrificio di misa, canta na Papiamentu.

Na 1957 el a drenta Orden di Padernan Dominicano na Hulanda. Despues di a caba su studio di teologia, el a wordo nombra pa Antia, caminda el a cuminsa traha na parokia di Sta. Famia (Corsou) na aña 1965. Durante e añanan 1966 – 1968 pader Wijbe tabata pastoor respectivamente di Antriol y Playa (Boneiro). Na aña 1968 pader Wijbe a bin traha na Aruba. El a bira



kapelaan na misa Inmaculada Concepcion na Sta. Cruz. Durante e periodo di mei 1974 – mei 1983 e tabata pastoor di Dakota y despues el a wordo nombra como pastoor

di Oranjestad.

‘Yiu di Aruba’

Dia 6 di augustus 1989 pastoor Wijbe Fransen a celebra su hubileo di plata na



misa San Francisco di Asis na Oranjestad. Na aña 1990 pader Wijbe a cuminsa cu Centro Pastoral na Sta. Cruz hunto cu pader Jacques van der Lee. Aki el a keda traha

te juni 2009, ora cu el a bay bek su pais natal, Hulanda. Manera Pader Wijbe mes a bisa cu dolor na su curason, pasobra e ta sinti su mes ‘un yiu di Aruba’. □